



Komisija za izbor i imenovanja

Broj: 01-34-9285-2/19  
Zenica, 06.06.2019. godine

SKUPŠTINA ZENIČKO - DOBOJSKOG KANTONA			
Primljeno: 06.06.2019			
Org. jed.	Broj	Prilog	Vrijednost
01-34-9285-2	19		

SKUPŠTINA  
ZENIČKO - DOBOJSKOG KANTONA  
n/r predsjedavajućeg

**PREDMET: Prijedlog Odluke o izmjenama i dopuni Odluke o izboru stalnih radnih tijela 8. saziva Skupštine Zeničko-dobojskog kantona - dostavlja se**

Na osnovu člana 33., a u vezi sa članom 152. stav 1. Poslovnika Skupštine Zeničko-dobojskog kantona, u prilogu ovog dopisa, dostavljamo Vam **Prijedlog Odluke o izmjenama i dopuni Odluke o izboru stalnih radnih tijela 8. saziva Skupštine Zeničko-dobojskog kantona**, koju je na svojoj 15. sjednici održanoj dana 06.06.2019. godine utvrdila Komisija za izbor i imenovanja, radi razmatranja iste na narednoj sjednici Skupštine Zeničko-dobojskog kantona.

**NAPOMENA:** Imajući u vidu da su nakon dostavljanja u skupštinsku proceduru Prijedloga Odluke o izmjenama Odluke o izboru stalnih radnih tijela 8. saziva Skupštine Zeničko-dobojskog kantona dana 20.03.2019. godine, nastupile neke nove okolnosti koje su zahtjevale dodatne izmjene i dopunu pomenute Odluke, novim Prijedlogom odluke su obuhvaćene sve te ranije izmjene i dopune odluke, kao i novonastale izmjene i dopune, zbog čega Komisija za izbor imenovanja povlači iz skupštinske procedure Prijedlog ranije odluke dostavljene u skupštinsku procedure dana 20.03.2019. godine.

S poštovanjem,

**PRILOZI:**

- *Prijedlog Odluke o izmjenama i dopuni Odluke o izboru stalnih radnih tijela 8. saziva Skupštine Zeničko-dobojskog kantona,*
- *Odluka o izboru stalnih radnih tijela 8. saziva Skupštine Zeničko-dobojskog kantona («Službene novine Zeničko-dobojskog kantona», broj: 2/19),*
- *Dopis Kantonalnog odbora SDA Zeničko-dobojskog kantona od 31.05.2019. godine*
- *Popunjen obrazac Izjave o fiskalnoj procjeni (Obrazac IFP NE)*

**PREDSJEDAVAJUĆI**  
*Cazin Huskić*

**DOSTAVLJENO:**

- Naslovu,
- Predmet **15. sjednice Komisije/04-01**

Na osnovu člana 22. stav 3., a u vezi sa članom 23. Poslovnika Skupštine Zeničko-dobojskog kantona - Treći Prečišćeni tekst («Službene novine Zeničko-dobojskog kantona», broj: 14/18 i 18/18-isp.), Skupština Zeničko-dobojskog kantona na \_\_\_ sjednici održanoj \_\_\_\_ .2019. godine, d o n i j e l a j e:

**Odluku  
o izmjenama i dopuni Odluke o izboru stalnih radnih tijela  
8. saziva Skupštine Zeničko-dobojskog kantona**

**Član 1.  
(Ispravka greške u imenu člana jednog stalnog radnog tijela)**

U Odluci o izboru stalnih radnih tijela 8. saziva Skupštine Zeničko-dobojskog kantona («Službene novine Zeničko-dobojskog kantona», broj: 2/19), u članu 1. vrše se sljedeće izmjene i dopuna:

Pod rimskim brojem **VI Komisija za poljoprivredu, šumarstvo, vodoprivredu i veterinarstvo**, pod rednim brojem 1. riječ „Suad“ zamjenjuje se sa riječi „Suvad“

**Član 2.  
(Ispravka greške u prezimenu člana jednog stalnog radnog tijela)**

Pod rimskim brojem **VII Komisija za prostorno uređenje, stambeno-komunalnu politiku, infrastrukturu i zaštitu okolice**, pod rednim brojem 5. riječ „Almasaud“ zamjenjuje se sa riječi „Al-Masaud“

**Član 3.  
(Izmjena predsjedavajućeg jednog stalnog radnog tijela)**

Pod rimskim brojem **XIV Komisija za boračka i invalidska pitanja** redni broj 1. mijenja se i glasi:

“**1. Vedad Jusić - predsjedavajući**”

**Član 4.  
(Izmjene sastava jednog stalnog radnog tijela)**

Pod rimskim brojem **XV Komisija za europske integracije**, redni brojevi 1. i 3. mijenjaju se i glase:

„**1. Ćazim Huskić**  
**3. Ivo Tadić**”

a iza rednog broja 10. dodaje se redni broj 11. koji glasi:

“**11. Omer Škaljo**”

**Član 5.  
(Stupanje na snagu i objavljivanje)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

**PREDSJEDAVAJUĆI**

Broj: 01-\_\_\_\_\_/19  
Datum, \_\_\_\_ 2019. godine  
Z e n i c a

*Ćazim Huskić s.r.*

## OBRAZLOŽENJE

### I – PRAVNI OSNOV

Pravni osnov za donošenje Odluke o izmjenama Odluke o izboru stalnih radnih tijela 8. saziva Skupštine Zeničko-dobojskog kantona sadržan je u članu 22. stav 3. Poslovnika Skupštine Zeničko-dobojskog kantona – Treći Prečišćeni tekst («Službene novine Zeničko-dobojskog kantona», broj: 8/18 i 18/18 isp.), kojim je propisano da se sva radna tijela obrazuju u skladu sa ovim Poslovnikom i na osnovu odluke Skupštine.

Članom 24 stav 3. Poslovnika Skupštine je propisano da se stalna radna tijela formiraju prema stranačkom sastavu Skupštine u najvećoj mogućoj mjeri, da Komisiju za europske integracije čine predsjedavajući i zamjenici predsjedavajućeg te predstavnici klubova svih političkih stranaka (poslanici i vanskupštinski članovi) a u stavu 4. člana 24. je propisano da ukupan broj članova stalnog radnog tijela ne može biti veći od pet, izuzev komisija iz prethodnog stava.

### II – RAZLOZI ZA DONOŠENJE

Odluka o izboru stalnih radnih tijela 8. saziva Skupštine Zeničko-dobojskog kantona donesena je na 4. sjednici Skupštine Zeničko-dobojskog kantona, održanoj dana 18.02.2019. godine, a objavljena u „Službenim novinama Zeničko-dobojskog kantona“ broj: 2/19.

Razlozi za izmjene i dopunu navedene Odluke su sljedeći:

S obzirom da je u tekstu Prijedloga nove Odluke o izboru stalnih radnih tijela 8. saziva Skupštine Zeničko-dobojskog kantona dostavljenog uz dopis grupe poslanika 8. saziva Skupštine Zeničko-dobojskog kantona od 13.02.2019. godine, pod rimskim brojem VII Komisija za prostorno uređenje, stambeno-komunalnu politiku, infrastrukturu i zaštitu okolice, pod rednim brojem 5. navedeno „Almir **Almasaud**“ isto je navedeno i u Prijedlogu navedene Odluke koju je utvrdila Komisija za izbor imenovanja na svojoj 4. sjednici održanoj dana 15.02.2019. godine, radi razmatranja iste na 4. sjednici Skupštine Zeničko-dobojskog kantona, dok je naknadno uvidom u akte koje je imenovani dostavio Stručnoj službi Skupštine dana 12.03.2019. godine u cilju ostvarivanja prava na novčanu naknadu za sudjelovanje u radu komisija odnosno radnih tijela Skupštine, utvrđeno da je prezime imenovanog „**Al-Masaud**“, a ne „**Almasaud**“, zbog čega je potrebno otkloniti pomenutu grešku u navedenog Odluci objavljenoj u „Službenim novinama Zeničko-dobojskog kantona“ broj: 2/19.

Takođe je naknadno prilikom prikupljanja potrebnih podataka za kontakt sa članovima stalnih radnih tijela Skupštine i zakazivanja sjednica, te dostave potrebnih akata, dana 19.03.2019. godine, utvrđeno da je ime predsjedavajućeg Komisije za poljoprivredu, šumarstvo, vodoprivredu i veterinarstvo „**Suvad**“, a ne „**Suad**“ kako je navedeno u tekstu Prijedloga nove Odluke o izboru stalnih radnih tijela 8. saziva Skupštine Zeničko-dobojskog kantona dostavljenog uz dopis grupe poslanika 8. saziva Skupštine Zeničko-dobojskog kantona od 13.02.2019. godine i u Prijedlogu navedene Odluke koju je utvrdila Komisija za izbor imenovanja na svojoj 4. sjednici održanoj dana 15.02.2019. godine, a koja je objavljena u „Službenim novinama Zeničko-dobojskog kantona“ broj: 2/19, zbog čega treba ispraviti i navedenu grešku.

Nakon održane 4. sjednice Skupštine Zeničko-dobojskog kantona dana 18.02.2019. godine, na kojoj je donesena nova Odluka o izboru stalnih radnih tijela 8. saziva Skupštine Zeničko-dobojskog kantona, održana je dana 21.02.2019. godine 5. hitna sjednica Skupštine Zeničko-dobojskog kantona, na kojoj je donesena Odluka o izmjenama Odluke o potvrđivanju kandidata za mjesto predsjedavajućeg i/ili zamjenika predsjedavajućeg Skupštine, iz razloga što je Klub poslanika Bošnjaka 8. saziva Skupštine na nastavku 3. sjednice održanom dana 18.02.2019. godine predložio Amiru Hadžić, kao drugog/novog kandidata navedenog Kluba naroda za mjesto predsjedavajućeg i/ili zamjenika predsjedavajućeg Skupštine, a Klub poslanika Hrvata 8. saziva Skupštine je na nastavku 4. sjednice održanom dana 18.02.2019. godine, kao drugog/novog kandidata navedenog Kluba naroda za mjesto predsjedavajućeg i/ili zamjenika predsjedavajućeg predložio Ivu Tadića, a koji su dana 21.02.2019. godine, zajedno sa ranije potvrđenim kandidatom za navedenu poziciju iz reda srpskog naroda, između sebe, za predsjedavajuću Skupštine Kantona izabrali Amiru Hadžić, a za zamjenike predsjedavajuće Ivu Tadića i Mladena Simića.

Potom je na 9. sjednici Skupštine održanoj 27.05.2019. godine donesena Odluka o izmjeni Odluke o potvrđivanju kandidata za mjesto predsjedavajućeg i/ili zamjenika predsjedavajućeg Skupštine, iz razloga što je Klub poslanika Bošnjaka 8. saziva Skupštine na 4. sjednici održanoj dana 07.05.2019. godine, nakon upoznavanja sa ostavkom koju je na mjesto predsjedavajuće Skupštine Kantona, dana 29.04.2019. godine, iz ličnih razloga podnijela **Amira Hadžić**, za drugog/novog kandidata Kluba poslanika Bošnjaka za mjesto predsjedavajućeg i/ili zamjenika

predsjedavajućeg Skupštine predložio **Čazima Huskića**, nakon čega je u toku pauze održavanja 9. sjednice Skupštine Zeničko-dobojskog kantona, dana 27.05.2019. godine izabran novi predsjedavajući Skupštine **Čazim Huskić**, koji shodno odredbi člana 24. stav 4. Poslovnika Skupštine Zeničko-dobojskog kantona postaje član odnosno predsejdavajući Komisije za europske integracije.

Imajući u vidu da je poslanik Skupštine Fahrudin Čolaković, predsjedavajući Komisije za boračka i invalidska pitanja, imenovan za ministra Ministarstva za boračka pitanja u Vladi Kantona, te da je isti podnio ostavku zbog nespojivosti navedenih funkcija, nakon čega je Centralna izborna komisija BiH donijela odluku o prestanku njegovog mandata poslanika u Skupštini Kantona, Kantonalni odbor SDA Zeničko-dobojskog kantona je dana 31.05.2019. godine dostavio dopis u kojem za novog predsjedavajućeg pomenute Komisije predlaže poslanika Skupštine **Vedada Jusića**, zbog čega je potrebno izvršiti izmjenu pomenute odluke i u tom dijelu.

S obzirom da je članom 24. stav 4. Poslovnika Skupštine Zeničko-dobojskog kantona ("Službene novine Zeničko-dobojskog kantona", broj:14/18 i 18/18 isp.) propisano da Komisiju za europske integracije čine predsjedavajući i zamjenici predsjedavajućeg Skupštine, te predstavnici klubova svih političkih stranaka (poslanici i vanskupštinski članovi), a da je izvršena izmjena u rukovodstvu Skupštine, tako da je umjesto Sarajlić Ismeta za predsjedavajuću Skupštine imenovana Amira Hadžić, te nakon njene podnesene ostavke Čazim Huskić, a ranije umjesto zamjenika predsjedavajuće iz reda hrvatskog naroda Sanje Renić, imenovan Ivo Tadić, to je iz navedenih razloga potrebno izmijeniti Odluku o izboru stalnih radnih tijela 8. saziva Skupštine Zeničko-dobojskog kantona u tom dijelu. Pored toga, u navedenoj odluci je potrebno dodati još jednog člana navedene skupštinske komisije jer je na nastavku 7. sjednice Skupštine održanom 07.05.2019. godine, donesena Odluka o izmjeni Poslovnika Skupštine Zeničko-dobojskog kantona kojom je predviđeno da "Poslanici jedne ili više političkih stranaka koje u Skupštini imaju najmanje jednog izabranog poslanika zajedno sa poslanikom odnosno poslanicama koji su se u toku trajanja mandata izjasnili da u daljem trajanju mandata u Skupštini djeluju kao samostalni poslanici, mogu formirati jedan zajednički klub", nakon čega je u Stručnoj službi Skupštine dana 09.05.2019. godine zaprimljen dopis poslanika Omera Škalje i Samira Karahasanovića od 08.05.2019. godine, kojim obavještavaju Kolegij Skupštine Kantona, Komisiju za izbor i imenovanja i Stručnu službu Skupštine o formiranju Zajedničkog kluba poslanika u Skupštini Zeničko-dobojskog kantona, čiji je predsjednik poslanik Omer Škaljo, zbog čega bi isti, kao predstavnik novog Kluba poslanika u Skupštini trebao postati član pomenute Komisije.

### **III-OBRAZLOŽENJE PREDLOŽENIH RJEŠENJA**

**Članom 1.** vrši se ispravka greške u imenu predsjedavajućeg Komisije za poljoprivredu, šumarstvo, vodoprivredu i veterinarstvo.

**Članom 2.** vrši se ispravka greške u prezimenu jednog vanskupštinskog člana Komisije za prostorno uređenje, stambeno-komunalnu politiku, infrastrukturu i zaštitu okolice.

**Članom 3.** vrše se izmjena predsjedavajućeg Komisije za boračka i invalidska pitanja.

**Članom 4.** vrše se izmjene predsjedavajućeg i jednog člana Komisije za europske integracije, te dodavanje novog člana navedene komisije.

**Član 5.** propisuje stupanje na snagu Odluke i njeno objavljivanje u "Službenim novinama Zeničko-dobojskog kantona", i to tako da se propisuje stupanje na snagu iste danom njenog donošenja, radi potrebe hitnosti ispravke određenih grešaka u imenu i prezimenu članova dva stalna radna tijela Skupštine, te zamjene predsjedavajućeg i jednog člana Komisije za europske integracije, što je uslov za nesmetan rad istih.

### **IV- FINANSIJSKA SREDSTVA**

Za provođenje ove Odluke nisu potrebna dodatna finansijska sredstva u Budžetu Zeničko-dobojskog kantona za 2019. godinu.

**KOMISIJA ZA IZBOR I IMENOVANJA**



Godina XXIV - Broj 2

ZENICA, četvrtak, 28.02.2019.god.

**SKUPŠTINA****18.**

Na osnovu člana 22. stav 3., a u vezi sa članom 32. Poslovnika Skupštine Zeničko-dobojskog kantona - Treći Prečišćeni tekst («Službene novine Zeničko-dobojskog kantona» broj: 14/18 i 18/18 - isp.), Skupština Zeničko-dobojskog kantona, na 4. sjednici održanoj 18.02.2019. godine, donijela je:

**ODLUKU**  
o izboru stalnih radnih tijela 8. saziva  
Skupštine Zeničko-dobojskog kantona

**Član 1.**  
(Sastav stalnih radnih tijela)

Ovom Odlukom obrazuju se stalna radna tijela Skupštine, u sastavu:

**I Komisija za izbor i imenovanja**

1. Čazim Huskić - predsjedavajući
2. Ramo Isak - zamjenik predsjedavajućeg
3. Vedad Jusić
4. Omer Škaljo
5. Ermin Čehić

**II Komisija za mlade**

1. Vedrana Dugonjić - predsjedavajuća
2. Alma Kamenjaš - zamjenica predsjedavajuće
3. Vedran Kaser
4. Amer Ahmić
5. Malik Ejubović

**III Komisija za nadzor rada policije**

1. Omer Škaljo - predsjedavajući
2. Kemal Mušinbegović - zamjenik predsjedavajućeg
3. Ermin Čehić
4. Haris Sejdić
5. Jasminko Kapić

**IV Komisija za obrazovanje, nauku, kulturu i sport**

1. Nusret Imamović - predsjedavajući
2. Ibrahim Plančić - zamjenik predsjedavajućeg
3. Meldina Ugarak
4. Nina Bunjevac Salkić
5. Branka Trogrlić

**V Komisija za pravosuđe i upravu**

1. Samir Karahasanović - predsjedavajući
2. Mirela Mateša Bukva - zamjenica predsjedavajućeg
3. Adnan Ibrahimspahić
4. Amer Ahmić
5. Samra Limo

**VI Komisija za poljoprivredu, šumarstvo, vodoprivredu i veterinarstvo**

1. Suad Hadžić - predsjedavajući
2. Andrej Kajić - zamjenik predsjedavajućeg
3. Mustafa Tutnić
4. Faruk Hodžić
5. Nusret Imamović

- VII Komisija za prostorno uređenje, stambeno-komunalnu politiku, infrastrukturu i zaštitu okolice**
1. Emira Druda Čičeklić - predsjedavajuća
  2. Dževad Telalović - zamjenik predsjedavajuće
  3. Sanja Renić
  4. Maida Tanović
  5. Amir Almasaud
  4. Sead Kratina
  5. Amela Granić
  6. Hana Ahmetspahić
  7. Dijana Rahić
- VIII Komisija za privredu, ekonomsku i finansijsku politiku, budžet i finansijske Skupštine**
1. Himzo Smajić - predsjedavajući
  2. Ivo Tadić - zamjenik predsjedavajućeg
  3. Asim Čajlaković
  4. Mersija Kasumović
  5. Jasmin Duvnjak
- IX Komisija za rad, socijalnu politiku, izbjeglice i zdravstvo**
1. Andrej Kajić - predsjedavajući
  2. Selvedina Sarajlić-Spahić - zamjenica predsjedavajućeg
  3. Amra Jupić
  4. Mersija Kasumović
  5. Meldina Ugarak
- X Komisija za ravnopravnost spolova, ljudska prava i građanske slobode**
1. Amra Jupić - predsjedavajuća
  2. Ismet Sarajlić - zamjenik predsjedavajuće
  3. Amela Granić
  4. Vlasta Kalas
  5. Armina Bečić
- XI Komisija za ustavna pitanja**
1. Edin Arnaut - predsjedavajući
  2. Sedad Dedić - zamjenik predsjedavajućeg
  3. Rifat Delić
- XII Zakonodavno-pravna komisija**
1. Ramo Pivić - predsjedavajući
  2. Ivo Tadić - zamjenik predsjedavajućeg
  3. Zlatan Hadžić
  4. Almedin Aliefendić
  5. Kasim Alić
  6. Sedmedin Amidić
  7. Rifat Delić
- XIII Komisija za borbu protiv korupcije**
1. Amira Hadžić - predsjedavajuća
  2. Sedmedin Amidić - zamjenik predsjedavajuće
  3. Ibrahim Dizdarević
  4. Maida Tanović
  5. Mladen Simić
- XIV Komisija za boračka i invalidska pitanja**
1. Fahrudin Čolaković - predsjedavajući
  2. Edin Arnaut - zamjenik predsjedavajućeg
  3. Branka Trogrlić
  4. Dragan Janko
  5. Alija Redžić
- XV Komisija za europske integracije**
1. Ismet Sarajlić - predsjedavajući
  2. Mladen Simić - zamjenik predsjedavajućeg
  3. Sanja Renić
  4. Edita Vuković Antolović
  5. Dalija Mujkić
  6. Kenan Uzunović
  7. Hanas Kovač

- 8. Amil Buljubašić
- 9. Vlasta Kalas
- 10. Mirnes Burkić

**Član 2.****(Prestanak važenja ranije odluke)**

Stupanjem na snagu ove Odluke prestaje da važi Odluka o izboru stalnih radnih tijela 8. saziva Skupštine Zeničko-dobojskog kantona («Službene novine Zeničko-dobojskog kantona», broj: 18/18).

**Član 3.****(Stupanje na snagu i objavljivanje)**

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-01-2351/19  
Datum: 18.02.2019. godine  
Zenica

**PREDSJEDAVAJUĆI**  
**Ismet Sarajlić, s.r.**

19.

Na osnovu člana 100. stav 1. i člana 101. Poslovnika Skupštine Zeničko-dobojskog kantona - Treći prečišćeni tekst («Službene novine Zeničko-dobojskog kantona», broj: 14/18 i 18/18-isp.), Skupština Zeničko-dobojskog kantona, na 5. (hitnoj) sjednici održanoj dana 21.02.2019. godine, donijela je:

**ODLUKU**

**o izmjenama Odluke o osnivanju Kluba poslanika Bošnjaka 8. saziva Skupštine Zeničko-dobojskog kantona**

**Član 1.****(Izmjena predsjednika i zamjenika predsjednika Kluba)**

U Odluci o osnivanju Kluba poslanika Bošnjaka 8. saziva Skupštine Zeničko-dobojskog kantona („Službene novine Zeničko-dobojskog kantona, broj: 17/18), u članu 2. stav 1. riječi: „Nusret Imamović“ zamjenjuju se riječima: „Sejad Zaimović“, a u stavu 2. riječi „Maida Tanović“ zamjenjuju se riječima: „Omer Škaljo.“

**Član 2.****(Stupanje na snagu i objavljivanje)**

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-01-2558/19  
Datum: 21.02.2019. godine  
Zenica

**PREDSJEDAVAJUĆA**  
**Amira Hadžić, s.r.**

20.

Na osnovu člana 100. stav 1. i člana 101. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18 i 18/18-isp.), Skupština Zeničko-dobojskog kantona, na 5. (hitnoj) sjednici održanoj dana 21.02.2019. godine, donijela je:

**ODLUKU**

**o izmjenama Odluke o osnivanju Kluba poslanika Hrvata 8. saziva Skupštine Zeničko-dobojskog kantona**

**Član 1.****(Izmjena predsjednika i zamjenika predsjednika Kluba)**

U Odluci o osnivanju Kluba poslanika Hrvata 8. saziva Skupštine Zeničko-dobojskog kantona („Službene novine Zeničko-dobojskog kantona, broj: 17/18), član 2. mijenja se i glasi:

„Za predsjednika Kluba izabran je **Kajić Andrej**.

Za zamjenicu predsjednika Kluba izabrana je **Dugonjić Vedrana**.“

**Član 2.****(Stupanje na snagu i objavljivanje)**

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-01-2559/19  
Datum: 21.02.2019. godine  
Zenica

**PREDSJEDAVAJUĆA**  
**Amira Hadžić, s.r.**



Broj: Z-07-04-021-41/19  
Datum: 20.05.2019. godine

**STRANKA DEMOKRATSKE AKCIJE - PARTY OF DEMOCRATIC ACTION  
KANTONALNI ODBOR SDA ZENIČKO-DOBOJSKOG KANTONA**

Zenica, Školska ulica 2, tel. 00387 32/444-020 fax 032/444-021

02/31.05/199  
05-01  
04-01/

SKUPŠTINA ZENIČKO-DOBOJSKOG KANTONA			
Primljeno.	31.05.2019.		
Org. jed.	Broj	Prilog	/rijednos.
01	41	9359	19

**SKUPŠTINA ZDK**  
n/r Ibrahim Avdagić, Sekretar

**PREDMET: Dostava člana Komisije za boračka pitanja**

Radi imenovanja Fahrudina Čolakovića za ministra u Vladi Zeničko-dobojskog kantona, na mjesto predsjednika Komisije za boračka pitanja u Kantonalnoj skupštini Zeničko-dobojskog kantona, predlažemo:

- Vedad Jusić iz Breze, zastupnik u KS ZDK.

S poštovanjem,



**PREDSEDNIK**  
Miralem Galijašević

## OBRAZAC IZJAVA O FISKALNOJ PROCJENI

**Obrazac IFP NE**

<b>A 1. Obradivač propisa</b>	
<b>Razdjel</b>	KOD
	10010001
<b>B 2. Osnovni podaci o prijedlogu propisa</b>	
<b>Vrsta propisa/akta</b>	Zakon
<b>Naziv propisa/akta</b>	Uredba
<b>Strategija</b>	DA
<b>Drugi akti planiranja</b>	NE
<b>Drugi akti planiranja</b>	NE

### C 3. Izjava o nepostojanju dodatnih fiskalnih efekata predloženog propisa

Donošenje Odluke o izmjenama i dopuni Odluke o izboru stalnih radnih mjesta 8. saziva Skupštine Zeničko-dobojskog kantona neće imati fiskalne posljedice na Budžet za 2019. godinu u smislu obezbjeđivanja dodatnih budžetskih sredstava.

<b>D 4. Pečat i potpis odgovornog lica obrađivača, odnosno predlagача propisa</b>	<b>Mjesto i datum</b>
---	-----------------------

Čazim Huskić, predsjedavajući Komisije za izbor i imenovanja  
 Zenica, dana 06.06.2019. godine

